

武進謝觀編纂

中國醫學大辭典

冊三

商務印書館

十一畫

【乾】（音干）燥勝之病。如津液枯涸皮膚燥澀之類是。
〔素問陰陽應象大論〕燥勝則乾。

【乾元】頭胎男子之胞衣也。詳胞衣條。

【乾冬菜】冬菜之蒸熟曝乾者。性質甘平無毒。功用開胃和中下氣。益血生津。補虛勞。利三焦。通二便。治痰嗽。聲音不出（泡湯飲）噤口痢疾。療白火丹（煎湯洗并煎服）湯火傷（和酒搗爛塗）〔雜論〕此物氣香味甘。秉性中和。爲補益之品。功與參耆相近。婦人產蓐以之下粥。大爲有益。年久者尤佳。

【乾生地露】性質甘寒平無毒。功用養陰血。退浮陽。治吐衄血虛發熱。嘈雜煩悶。婦人月經不調。〔雜論〕一切陰液已傷。餘火未清者。用以代茶。最爲相宜。取其清餘熱。平虛火。其功用與鮮者不同。

【乾皮痘】痘之形微紅而乾枯帶黑者。此由氣少血枯所致。急宜調補氣血。

【乾地黃】地黃根之拌酒曬乾者。性質甘寒無毒。（或

作苦平）功用養陰。退陽。涼血。生血。補腎。長志。安魂。定魄。通血脈。益氣力。利耳目。強筋骨。填骨髓。長肌肉。破惡血。助心膽氣。利大小腸。治諸痺。血痺。溼熱。寒熱。（作湯服）驚悸。勞倦。五勞。七傷。痿蹶。嗜臥。皮膚燥。血虛發熱。常覺飢餒。五心煩熱。五臟內傷不足。心病。掌中熱。痛心。肺損吐血。唾血。鼻衄。齒痛。胃中宿食。飽力斷絕。胸膈痞滿。脾氣積聚。溺血。足下熱痛。婦女傷中。月經不調。崩中。血暈。胞漏。下血。妊娠胎動不安。產後腹痛。惡血不止（搗末。熱酒服）療折跌絕筋。久服輕身。變白髮。不老。延年。〔雜論〕此物稟仲冬之氣。兼稟地之和氣以生。氣薄味厚。性沈而降。屬陰。（一作陰中之陽）入心。肝。腎。心包。小腸。五經。爲滋陰涼血之品。補腎之要藥。以產於河南沁陽縣境。肥大而短。糯體細皮。菊花心。而洗水者爲佳。製法。每生地黃一束。擇其肥者六成。洗淨。曬令微皺。餘四成則洗淨搗絞濃汁。將滓投酒中漬透。再絞取汁。拌於已曬地黃之上。再曬再拌。至汁盡爲止。得清酒。麥冬。丹皮。當歸良。以薑汁浸則不泥膈。酒製則不妨胃。畏蕪荑。惡貝母。忌

萊菔、葱、蒜、銅鐵器及諸血物。誤犯之。能令人腎消髮白。男則損營。女則損衛。但性寒而潤。凡脾虛泄瀉。胃虛食少者。均忌之。

【乾地黃丸】證治準繩方。功用治疔勞。藥品生乾地黃。郁李仁（湯浸。去皮尖微炒）各五錢。牛膝。防風。桂心。海桐皮。羌活。白茯苓。薏苡仁。各二錢五分。鹽法共研細末。煉蜜爲丸。如綠豆大。用法每服七丸。乳前溫酒送下。量兒大小加減。

【乾血氣】此證因經水久閉。氣上衝心所致。宜絲瓜散。掌中金丸之屬。或用川大黃爲末。醋熬膏。丸如芡實大。每服一丸。酒化開。臨臥時溫服。參看經閉條。

【乾血勞】勞證之有枯血者。凡勞動過度。積熱傷陰。血液枯涸。身體羸瘦。腹滿不能飲食。肌膚甲錯。面目黯黑。以及婦女經水久閉。血枯。血熱。積久不愈者。其筋骨之間。多有枯血凝結。以致新血難生。積熱難退。如清熱攻枯血。宜服大黃蟄蟲丸。養血和血。宜四物湯。當歸補血湯。參看虛勞及血枯經閉條。

【乾陀木】雜木類。形態生於西域。樹大皮厚。葉如櫻桃。

葉「皮」可療疾。詳本條。

【乾陀木皮】性溫平無毒。功用溫腹。緩胃。止嘔逆。破宿血。治癥瘕。氣塊。婦人血閉。腹內血塊（酒煎服）。

【乾柿】卽柿餅。

【乾柿散】沈氏尊生書方。功用治便血。藥品乾柿。不拘多少（燒存性）用法研爲末。每服二錢。熱湯調下。

【乾疥】疥瘡之搔癢皮起結乾痂者。宜消風散。外擦繡毬丸。餘詳疥瘡條。

【乾苔】海苔之乾者。

【乾苛叢】獨腳一枝蓮之別名。

【乾風】此證屬肝腎二經。由於肺氣虛而感風邪。金虛不能生水。腎之本源枯涸。以致肌膚乾燥。且風邪入於皮膚既久。變熱成溼。故身無痛處。漸生黑白斑點。手足心底發熱如烙。遍身發癢。治宜復元丹。並用藥湯洗浴。避風取汗。遲則難治。

【乾欬】欬喘而無痰者。治法如下。●因傷酒積熱者。宜瓊玉膏滋潤之。●因痰鬱火邪在肺者。宜先用逍遙散加苦梗以開提之。後用六味丸加五味。或本事龜

甲九加熱地當歸白芍麥冬阿膠茯苓之屬以補之。
③因色慾過度腎水不升者宜八味丸蒸動之。④因
肝燥礙肺脅痛潮熱女子則月事不來者宜千金家
膏丸或上清丸滋調之。⑤因心血耗散遇有思慮則
發者宜歸脾湯加麥冬五味作膏蜜收其中木香減
半或換砂仁另爲細末離火加入以滋養之。⑥辛甘
潤肺用蜜煎薑橘或蜜燒連皮胡桃服之體虛者用
人參同蜜燒胡桃不時細嚼或煎服尤妙參看欬嗽
條。

【乾痞】此證身體壯熱時或憎寒舌澀口乾睡多盜汗
皮膚枯燥髮立毛焦乳食雖多肌肉消瘦四肢無力
好睡昏昏大抵憔悴少血舌乾多啼者其病在心目
不轉睛雖啼無淚者其病在肝身熱尿乾手足清冷
者其病在腎聲焦皮燥大便乾結者其病在肺閉口
酣睡胸脘乾渴者其病在脾治法如下。①宜聖惠天
竺黃散青黛丸牛黃丸胡黃連丸青黛散之屬。②天
靈蓋生龍甲青黛黃鹽各一分同研令細日服一字
空腹時熟湯送下。③牛黃雄黃蘆薈青黛丁香黃連

(去鬚)熊膽(另研)蛇蛻皮(焙爲灰)天竺黃天漿
子(微炒)犀角屑各一分胡黃連五錢乾蟾酥五分
(另研)麝香一錢共研極細煉蜜爲丸如綠豆大每
服三九粥飲送下日三服兒大酌加參看疳條。

【乾疽】肩疽之生於肩前廉者屬大腸經。

【乾脅痛】當脅一點作痛不止也此由酒色過度所致
證頗危篤急宜大補氣血補肝散主之參看脅痛條。

【乾眼藥】驗方用治肝腎虧損眼目昏花星障雲翳
及一切新久目疾。藥品爐甘石(製)地栗粉各四兩
冰片八錢用法研爲極細末盜器密收每用少許點
入眼角合眼靜坐片時無不神效。

【乾肺毒】黍米中藏乾肺食之中毒者宜用大豆濃煮
汁飲數升即解。

【乾陷】三陷之一凡癰疽等證膿腐未透營衛已傷根
盤紫滯頭頂乾枯漸至神識不爽有內閉外脫之象
者法不治。

【乾魚】鮑魚之乾者。

【乾棗】棗實之曝乾者。

【乾黃】卽陽黃。

【乾腳氣】此證足部筋脈蹇縮。枯細不腫。多因他病而發。有時氣上衝心者。屬熱勝。宜涼血清火。治詳腳氣條。

【乾葛】葛根之曬乾者。

【乾葛湯】●深師方。功用治產後中風。口噤不能言。藥圖乾葛一兩五錢。獨活（去蘆）二兩。甘草五錢（炙）生薑一兩二錢五分。用法咬咀。每服一兩。清水二大盞。煎至一大盞。去滓。不拘時溫服。●證治準繩方。①功用和胃。藥品葛根二兩。枳實（去白。麩炒）梔子仁豆豉各一兩。甘草（炙）五錢。用法每服四錢。清水一盞。煎至八分。不拘時溫服。②功用治酒痔。藥品乾葛枳殼（炒）半夏（薑製）生地黃赤茯苓杏仁各一錢五分（一作各一錢）黃芩甘草（炙）各五分。用法清水二鍾。加黑豆一百粒。生薑五片。白梅一個。煎至一鍾。食前服。

【乾葛飲】證治準繩方。功用治發背作渴。藥品乾葛一兩。黃芩朴硝各一兩二錢五分。用法剉散。每服三錢。

加枇杷葉（去背上白毛。淨洗）清水煎。不拘時服。

【乾嗽】治與乾欬同。

【乾嗽補肺膏】卽補肺膏。

【乾嘔】有聲無物而嘔涎沫也。（金匱嘔吐噦下利病脈證篇）乾嘔吐逆吐涎沫。半夏乾薑散主之。（又）乾嘔吐涎沫頭痛者。茱萸湯主之。（又）乾嘔噦若手足厥者。橘皮湯主之。按此證乃胃家氣血兩虛所致。治宜橘紅煎湯。入薑汁白蜜少許。細細呷之。胃虛者加入人參。胃寒者加炮薑。氣逆者吳茱萸湯。胃熱者梔子竹茹湯。或川連竹茹爲主。蘇葉爲引。乾嘔發熱者黃芩湯。乾嘔而利者黃芩加半夏生薑湯。卒然乾嘔不息者。用甘蔗汁溫服。日三次。或入薑汁搗葛根絞取汁服。酒後乾嘔者。宜甘蔗汁飲數次。參看嘔吐噦條。

【乾漆】漆液之自然乾者。性墮辛溫無毒。（或作鹹苦平有毒）功用瀉除風。補中消積。殺蟲。破瘀血。續筋骨。填骨髓。安五臟。利小腸。治五緩六急。風寒溼痺。積滯。痞結。傳尸勞。欬嗽。喉痹。欲絕（燒烟以筒吸之）蠱

毒（糊丸酒服）九種心痛（炒至烟盡研末醋煮麪糊爲丸酒服）腰痛婦女血氣（研末和溼漆熬糊丸酒服）疝瘕經閉療絕傷下部生瘡（研塗）久服輕身耐老。雜論此物性降陽中之陰毒而殺蟲降而行血爲散瘀去滯之良品以狀如蜂房孔孔相隔凝結如靛色黑者爲佳製法搗碎炒令烟盡爲度或燒存性用半夏爲使畏川椒紫蘇雞卵蟹忌油脂然大傷營血胃氣若胃虛大瘡及無瘀血者均忌之中其毒者杉木紫蘇漆姑草並可解之。

【乾漆丸】證治準繩方功用治伏梁藥品乾漆（搗碎炒烟盡）芫花（醋拌炒）鼈甲（去裙欄醋塗炙）硃砂各一兩桃仁（去皮尖麩炒）木香（不見火）川烏頭（去皮臍剉鹽拌炒黃）各五錢雄黃（研細）麝香（另研）各二錢五分製法共研細末令勻醋煮麪糊爲丸如綠豆大用法每服十九食前熟湯送下。

【乾漆散】證治準繩方功用治婦人疝瘕久不消黃瘦羸弱兩脅妨悶心腹疼痛藥品乾漆（炒令烟盡）木香芫花（醋炒）赤芍藥桂心當歸川芎琥珀（另研）

各五錢大黃（炒）二兩牛膝七錢五分桃仁一兩麝香二錢五分用法研爲細末每服一錢不拘時溫酒調下。

【乾漿】痘瘡膿已成而復發熱者不必施治自愈。

【乾霍亂】此證先由胃中氣虛卒中邪惡污穢之氣鬱於胸腹之間致胸腹驟脹遍體紫黑上不得吐下不得瀉腸胃絞痛異常初起時頭頂心必有紅髮急尋出拔去再以三稜鍼刺委中或刺少商穴或捋兩臂令惡血聚指頭刺之擠出熱血可立蘇更用新汲涼水或熱童便入鹽兩許恣飲吐瀉卽止切忌用涼藥及火酒薑蒜穀氣米飲諸熱湯如蘇合香藿香檀香乳香芒硝童便川芎白芷蒼朮及二陳湯藿香正氣散石二至石八之屬均可適用參看霍亂條。

【乾膿散】瘍醫大千方功用治乳癰膿汁久出不已者藥品海螵蛸天竺黃飛血丹（炒紫色）輕粉各二錢麝香二分五釐降香老節三錢用法研爲極細末乾摻瘡口不數日膿乾口斂。

【乾薑人參半夏丸】金匱要略方功用治妊娠嘔吐不

止。【藥品】乾薑、人參各一兩，半夏（湯洗去滑）二兩。【製法】共研末，生薑汁糊爲丸，如梧桐子大。【用法】每服十丸，米飲送下，一日三服。

【乾薑丸】太平聖惠方。【藥品】乾薑、枳殼、橘紅、葛根、前胡各五錢，白朮、半夏、麴各一兩，吳茱萸、甘草各二錢五分。【製法】共研細末，煉蜜爲丸，如梧桐子大。【用法】每服三十九丸，米飲送下。

【乾薑甘草湯】證治準繩方。【功用】治陰乘於陽，心肺寒而嘔血。【藥品】乾薑、甘草各五錢。【用法】咀咀，清水煎服。

【乾薑地黃散】張氏醫通方。【功用】治妊娠漏胎下血。【藥品】乾薑（泡）一兩，乾地黃六兩（切焙）。【用法】爲散，每服方寸匕，溫酒調下，每日三次。

【乾薑附子湯】傷寒論方。【功用】治太陽證下之後，復發汗，晝日煩躁不得眠，夜安靜，不渴，不嘔，無表證，脈沈微，身無大熱者。【藥品】乾薑一兩，生附子一枚（去皮切八片）。【用法】清水五升（一作三升）煮取一升，去滓頓服。【雜論】太陽底面便是少陰，太陽證誤下之，則少陰之陽已虛，又發其汗，則一線之陽難以自主，陽

旺於晝，陽虛欲援同氣之救助而不可得，故煩躁不得眠。陰旺於夜，陽虛必俯首不敢爭，故夜則安靜。又申之曰，不嘔不渴，脈沈微，無表證，身無大熱，辨其煩躁之絕非外邪而爲少陰陽虛之的證也。則回陽之薑附最宜矣。

【乾薑柴胡湯】證治準繩方。【功用】治婦人傷寒，熱入血室，寒熱如瘧，或狂言見鬼。【藥品】乾薑（泡）三分，柴胡一錢，栝樓根五分，桂枝、牡蠣（煨）、甘草（炙）各三分。【用法】清水煎服，汗出而愈。

【乾薑苓朮湯】卽乾薑茯苓白朮煎湯服。

【乾薑根】（靈樞壽夭剛柔篇）乾薑一斤，按乾薑卽生薑根之乾者。【製法】取生薑根水淹三日，去皮，置水中六日，更刮去皮，曬乾，置瓷缸中，釀三日乃成，或僅於長流水洗過日曬，以白淨結實者良。性溫，辛溫無毒（或作苦），又作大熱。【功用】宣結，燥溼，發表，通脈，消痰，下氣，溫中止血，去滯，消食，利肺，扶脾，開胃，通五臟六腑，四肢關節諸絡脈，治臟腑諸經寒氣凝結，冷淚目昏（泡湯點之），目睛久赤，目中卒痛（納眥內有汁

出拭之。虛勞不眠（爲末。湯服。取微汗）。鼻紅鼻塞。
（調蜜納）鼻衄（煨納）吐血（爲末。童便調服）。唾血。
上氣胸滿。欬逆。反胃乾嘔。心痛（爲末。米飲服）。寒痞。
冷痺。風溼痺。風邪冷熱諸毒。皮膚結氣。腰腎間寒痛。
肚腹寒痛中惡。霍亂轉筋。脹滿。癰瘰。腸辟。下痢。寒瀉。
（炮研末。粥飲服）。血痢（燒黑存性。爲末。米飲下）。夜
多小便。陰陽易病（爲末。白湯調服。取汗）。療撲損。虎
狼傷（爲末敷）。獠犬傷（研末服。並炙熱熨）。解蛇毒。
（敷之）。羅論此物升散力減於生薑。而溫性則比生
薑爲甚。半沈半浮。氣薄味厚。入心。肺。脾。胃。腎。大腸。六
經。能引血藥入血分。氣藥入氣分。去惡生新。使陽生
陰長。引以黑附。則能入腎而祛寒溼。能通絕脈而回
元陽。同五味則利肺氣而治寒嗽。燥脾溼而補脾陽。
通心陽而補心氣。但性辛熱頗甚。用時須以甘草緩
之多食。則燥陰液而耗元氣。所謂壯火食氣也。若陰
虛內熱。陰虛欬吐血。表虛有熱。自汗盜汗。臟毒下
血。因熱而嘔惡。或脹痛者。均忌之。參看薑條。又有天
竺乾薑詳本條。

【乾薑理中湯】即理中湯。

【乾薑散】●三因極一病證方。功用治懸癰卒暴腫大。

【藥品乾薑半夏湯】（湯洗去滑）各等分。用法研爲細末。
每用少許。著舌上嚥津。●沈氏尊生書方。功用治下
焦溼。【藥品乾薑白朮茯苓甘草湯】用法剉散。清水煎服。

【乾薑黃連人參湯】即乾薑黃連黃芩人參湯。

【乾薑黃連黃芩人參湯】傷寒論方。功用治傷寒寒格。
食物入口即吐。並治胃虛客熱痞滿。【藥品乾薑黃連

黃芩人參各三兩。用法清水六升。煮取二升。去滓。分
溫二服。羅論傷寒本爲寒證。若誤吐下而益傷其陽。
則寒邪格壅於中焦。以致食入即吐。故方中用乾薑
辛溫。爲君以救其寒。芩連苦寒。從治以解其格而降
其氣。再以人參扶胃氣之傷。則格可開而食可納矣。

【乾歸】即當歸。

【乾雞筋】淫羊藿之別名。

【乾藕節】藕節之陰乾者。

【乾藕節散】沈氏尊生書方。功用治吐血。【藥品乾藕節。
不拘多少。用法研爲末。每服方寸匕。溫酒調下。每日

二次。

【乾蟾】蟾之曬乾者。

【乾蟾丸】●太平聖惠方。功用治小兒五疳驚風。藥品

乾蟾一枚（五月五日者良）蛇蛻皮一條（火煨）穀

精草二兩（與前藥同入罐子內以鹽泥固濟曬乾

燒令通赤放冷研細）胡黃連（爲末）瓜蒂（爲末）

母丁香（爲末）牛黃龍腦硃砂雄黃蘆薈天竺黃麝

香各一分青黛五錢製法入乳鉢內研令極細用豬

膽汁煎麪糊爲丸如綠豆大用法一二歲兒每服

五丸溫米泔半合化下服後桃柳湯浴兒以青衣蓋

之疳蟲當出衣上及眉毛鬢邊如細麩片子或如慘

面塵毒黃白色易治黑色者難治仍宜粥飲下二丸

每日三次甚者半月瘥●證治準繩方功用同上藥

品乾蟾一枚（燒灰）天靈丹灰五錢麝香五釐蟬殼

（去足炒）龍甲（酥炙黃焦去裙襴）各一分製法共

研細末燒飯爲丸如綠豆大用法小兒二歲以下每

服一丸三歲以上至五歲二丸蛤粉湯送下服後桃

柳湯浴兒用青衣蓋之當有蟲出赤白者輕黑色者

重。

【乾蠟】蠟之曬乾者。

【乾癬】癬之搔出白屑索然彫枯者治法如下●水銀

胡粉雞蛋清調敷●雄雞冠血塗之●胡粉炒黃赤

色醋調塗●桃樹白皮搗爛醋和塗參看癬條

【乾癰】胎癰瘡之乾者。

【偃刀】怪脈之一其來如仰起之刀口銳背厚者（素

問大奇論）脈至如偃刀偃刀者浮之小急按之堅

大急五藏菀熱寒熱獨并於腎也如此其人不得坐

立春而死。

【偃月通明散】龍木論方功用治偃月翳藥品防風黃

芩人參茯苓各一錢細辛五分茺蔚子二錢用法研

爲粗末清水二盞煎至一盞去滓夜食後溫服

【偃月翳內障】此證由腦風積熱注入目中所致瞳人

內上半邊有白氣一灣隱隱似新月之狀覆垂向下

其色粉青初起不覺後漸結凝爲肝腎俱勞之證又

沐後不揩乾及痰火人好食燥膩溼熱物者亦多患

之宜服偃月通明散或墜翳丸參看目內障條

【偃臥】臥倒也。〔素問病能論〕肺氣盛則脈大。脈大則不得偃臥。

【偃鼠】即鼯鼠。

【假收】痘瘡之面上稠密而忽然一時盡黑者。宜急治之。若作正靨。必死。

【假油柑】珍珠草之別名。

【假建】煙草葉絲之非產於福建者。參看真建及煙草葉條。

【假素馨】青藤仔花之別名。

【假寒】熱病而反見寒證者。如熱極而四肢厥冷胃枯而舌苔白膩之類。是當察其原因以施治。

【假脹】痘瘡起脹時。皮薄不礙手。按之清水便出。而痘色不暗者。亟宜參朮耆草薑桂之屬提氣貫膿。否則十一二日不能回漿結靨而死。

【假熱】寒極而反見熱證者。如陰盛格陽於上之類。是當察其原因以施治。

【假豬螺】海螺之別名。

【假蘇】荊芥之別名。

【假靨】痘瘡之皮薄而輒。色白如梅花片子。靨薄易落。疤白血枯者。急宜溫補氣血。若誤以爲正靨。則至十一二日必毒氣內攻而死。若兼泄瀉喘渴腹脹寒戰咬牙者。不治。

【偏肩穴】肩髃穴之別名。

【偏枯】半身偏廢無用也。〔靈樞刺節真邪篇〕虛邪偏客於身半。其入深。內居營衛。營衛稍衰。則真氣去。邪氣獨留。發爲偏枯。〔九宮八風篇〕其有三虛而偏中於邪風。則爲擊仆偏枯矣。〔素問風論〕風之傷人也。或爲偏枯。〔生氣通天論〕汗出偏沮。使人偏枯。〔陰陽別論〕三陽三陰發病。爲偏枯痿易。四支不舉。〔大奇論〕脛有大小。髀脃大跛。易偏枯。〔靈樞熱病篇〕偏枯。身偏不用而痛。言不變。志不亂。病在分腠之間。巨鍼取之。益其不足。損其有餘。乃可復也。按此證由於血氣偏虛。風邪留著臟腑。既入俞。則各入其門戶。隨俞左右而偏於一所。隔阻脈道。以致手足枯瘦。骨節疼痛。舉動不便。治法如下。●黃耆助真氣爲必用之君藥。防風引黃耆以行。爲必用之臣藥。如順氣散。

勻氣散。虎骨散。舒筋保安散。虎脛骨酒。黃耆酒。之屬。均可酌用。⑤用蠶沙數斗蒸熟。分作數袋著患處。冷卽易之。另用羊肚釀粳米。葱白。薑椒。豆豉等。煮爛。日食一具。十日止。⑥因風與痰飲客在上焦。脈沈細者。並宜導痰湯加羌活。白朮。不應。宜六君子湯加當歸。寒加桂心。熱加竹瀝。⑦風從外入。身熱無汗惡寒。口眼喎斜。手足戰掉。語言蹇澀者。宜小續命湯加減。惟自汗者忌之。⑧多汗神昏。痰涎上湧者。宜大劑參耆。如補中益氣湯。十全大補湯。人參養榮湯。大建中湯。之屬。⑨下體痿重。輭弱者。宜甄權防風湯。并用鍼灸法。⑩四肢頑麻。骨節痠痛者。宜史國公酒。⑪骨節離解。口面喎斜。便利無度者。宜麻黃附子湯加桂心。乾薑。芎藭。⑫上身無恙。下體輭弱麻痺。小便或滴或遺者。此足三陰虛證也。宜地黃飲補其下元。慎勿用燥溼攻痰藥。若果痰盛。用星香散。或二陳湯。溼盛用薏苡仁湯。兼氣虛者。用六君子湯。兼血虛者。用大秦羌湯。皆爲合劑。又有左偏枯。右偏枯。筋枯。鬲偏枯。之別。各詳本條。參看風及中風條。

【偏枯痧】此證由風寒溼三氣。兼挾痧邪而成。自頭至身。半邊舉動不利。痛癢不知。口中流涎。若誤作中風治。必至痰裹瘀血。或吐血塊。而成不治之證。宜鍼絲竹空。肩井。曲池。風門。膏肓。魂門。胃俞。足三里。環跳。腎俞。委中。十一穴。及手足十指尖。再驗痧筋刺之。鍼後有效。再用紅花（炒）木香。旋覆花。玄胡索。丹參。穿山甲。山楂。炭橘紅。炙。薑黃。皂角。鍼。水煎服。參看痧條。

【偏風】（素問風論）風中五藏六府之俞。亦爲藏府之風。各入其門戶所中。則爲偏風。（靈樞邪氣藏府病形篇）肺脈微緩。爲痿癭偏風。按卽偏枯也。詳偏枯條。

【偏核桃】桃實之肉薄而尖。頭偏。狀如半月。仁似新羅桃子者。功用與尋常桃實同。

【偏氣】小兒氣疝之別稱。

【偏產】產時有兒轉身未正。產母用力一逼。致兒頭偏。拄左右兩腿而不能下者。宜令產母仰臥。使接生者。用手輕輕推兒向上。扶正其頭。然後令產母用力一

送。即使生下。參看臨產條。

【偏痛】偏於一邊之痛也。〔素問氣穴論〕上氣短氣偏痛。

【偏絕】脈象。一手全無爲偏。二手全無爲絕。〔靈樞五禁篇〕身熱脈偏絕。

【偏虛】氣血偏枯而虛乏也。〔素問脈解篇〕所謂偏虛者。冬寒頗有不足者。故偏虛爲跛也。

【偏腦疽】腦疽之生於旁面者。

【偏對口】對口證之略偏者。

【偏對口疔】此證由大毒蘊結五臟而成。生於天柱骨旁側軟肉處。較正對口疔之由外感而發者。尤爲險重。初起小泡。但覺甚癢。宜服加味三星湯。并服紺珠丹汗之。如陰虛火旺。煩渴腫痛。宜服加味四妙湯。大潰宜服七聖湯。始終不可服寒涼之品。外治薰法刮法。俱與正對口疔同。但正對口疔屬陽。來勢雖猛。較爲易治。此則多屬陰證。如身倦沉重。體熱面白。形寒瘡黯。而不甚痛。或旁生許多小瘡者。不可誤作護場瘡。視爲輕證。又不宜輕灸。灸則常有面目俱腫。煩躁

不安等變證。參看疔瘡條。

【偏精】黃精之葉偏生不對者。

【偏墜】舉丸之或左或右一偏墜下者。宜按疔法治之。如不應。此熱證也。宜取芙蓉花根。去心用皮。搗極融爛。加大黃末敷之。二三日必愈。又凡左偏墜下而不痛者。宜用黨參三錢。當歸〔酒洗〕黃耆〔炙〕各二錢。川芎。川棟子。小茴香。橘核。荔枝核。各一錢。附子。肉桂〔去皮〕。作一二三次沖服。川椒各五分。赤芍藥一錢五分。服一二劑自愈。餘詳疔條。

【偏歷】手陽明別絡之稱。見〔靈樞經脈篇〕。詳手陽明之別條。

【偏歷穴】〔靈樞根結篇〕手陽明入於扶突偏歷。按此穴屬手陽明大腸經。在腕中後三寸。手陽明絡脈別走太陰。主寒熱。瘡疾。癰疾。多言。風汗不出。眯目。眈眈。鼻衄。耳鳴。喉痹。咽乾。齒痛。肩膊肘腕痠痛。小便不利。實則齟齬。宜瀉之。虛則齒寒。痹隔。宜補之。銅人鍼三分。留七呼。灸三壯。明堂灸五壯。

【偏頭風】頭風之偏左偏右者。此證屬少陽厥陰二經。

因素有溼痰。加以邪風內襲。久而鬱熱爲火。有左痛忽移於右。右痛忽移於左者。此風火擊動其痰溼之氣。所以互換也。痛久不已。令人喪明。蓋目爲肝之竅。肝風內動。則害空竅。木邪亢盛。則風火內生。鼓動胸中之痰積。隨火上逆而爲患矣。治法如下。●溼痰與火內伏。雖盛夏頭猶欲包裹者。宜越婢湯加減。挾溼者加蒼朮（泔製）川烏（黑豆汁製）挾火者加山梔（薑汁炒）左痛者加黃芩。右痛者加石膏（薑汁煨）溼熱盛而連目腫者。加大黃（酒製）有邪風者。加細辛。川芎防風。●左邊痛而腫者屬風。宜荊芥薄荷。痛而熱者屬血。宜川芎。當歸。體肥之人。右邊痛者屬痰。宜蒼朮。半夏。體瘦之人。左邊痛者屬熱。宜黃芩。石膏。遇寒卽痛者。屬寒伏於腦。宜頭風摩散。或用川烏末。醋調塗痛處。產後頭痛者。宜倍用芎歸。●頭風兼嘔涎者。白槿樹花陰乾。焙脆爲末。每服三錢。熱酒調服。或用荷葉蒂七枚。生薑三片。陳芽茶一撮。水酒各半煎服。溫覆取汗。●頭風腦中空痛者。用當歸。川芎。各三錢。黃牛腦子一個。和勻。分三次熱酒送下。臥醒卽

愈。●婦人頭風。兼白帶下者。用白蜀葵花（去蒂）七朶。川芎當歸各一錢。蘄艾葉八分。水酒各半煎成。乘熱先熏後服。●偏頭風痛不已。用香白芷。豬牙皂角（去皮筋）白附子各等分。研爲末。每服一錢。食後臘茶調下。右疼右邊臥。左疼左邊臥。皆疼仰臥。●京芎細劉浸酒。日飲之。●川芎五錢。晚蠶沙二兩。殭蠶如患者年歲之數。以水五碗。煎至三碗。就沙鍋中以厚紙糊滿。中開錢大一孔。取藥氣熏蒸痛處。每日一次。雖年久者。不過三五次。永不再發。●紅娘子七枚。茴香七瓣。研爲細末。同葱白頭七個（連鬚）研爛塗痛處。痛止。永不再發。●平時置新鮮木瓜於枕邊。取香氣透達。引散肝風。●鬱金一顆。苦葫蘆子一合。研爲細末。每用一錢。以白絹子裹之。新汲水內浸過。滴向患處鼻中。得黃水出卽愈。●華撥細辛。研爲末。豬膽汁調搗鼻中。●蓖麻子五錢（去皮）大棗十五個。共搗爛。用箸捲之。去箸納鼻中。良久。取下清涕卽止。●硃砂末。鼓心各一分。搗丸。如阜子大。綿包露出一頭。隨左右納鼻中。●雄黃細辛爲末。左邊痛嗅入右鼻。

右邊痛嗅入左鼻。牙阜末吹鼻中取嚏。

【偏頭風目失明】目失明之由於偏頭風者。此證分左右兩邊。如左邊頭痛。則損左目。右邊頭痛。則損右目。左右皆痛。則雙目失明。若外有赤痛淚澀。必生外障。內有昏渺眩暈。必生內障。法宜按其屬於何經。以爲施治。如羌活芎藭湯。柴芎湯。蒼朮湯。細辛湯。吳茱萸湯。升麻芷葛湯。之屬。均可選用。

【偏頭痛】偏頭風之甚者。

【做打麻】卽番打馬。

【停耳】卽聾耳。

【停食感冒】感冒之兼停食積者。治詳感冒條。

【停飲心痛】此證多惡心煩悶。時吐黃水。甚則搖身作水聲。由傷水飲及痰涎積聚所致。治宜小胃丹。胃苓湯。熱飲加黃連。甘遂。寒飲加肉桂。茯苓。蒼朮。半夏。若水飲流注胸膈痛者。宜三花神佑丸。參看心痛條。

【停飲喘】喘之因於停飲者。宜吐之。不應。用木防己湯。參看喘條。

【健志丸】證治準繩方。功用久服令人不忘。耳目聰明。

身體輕健。【藥品】天門冬（去心）遠志（去心）白茯苓（去皮）熟地黃各等分。製法研爲細末。煉蜜和丸。如梧桐子大。用法每服四五十丸。空腹時米飲送下。每日二次。

【健忘】卽善忘。

【健步丸】李東垣方。功用治長夏暑溼。【藥品】羌活。滑石（炒）肉桂（一作五分）甘草（炙）瓜蒌根（酒製）柴胡各五錢。防風。澤瀉各三錢。川烏頭。苦參（酒洗）各一錢。防己（酒洗）一兩。製法共研細末。酒煮米糊爲丸。如梧桐子大。用法每服十丸。空腹時煎愈風湯或葱白荊芥湯送下。

【健步四製蒼柏丸】沈氏尊生書方。功用治長夏暑溼。【藥品】蒼朮八兩（以川椒補骨脂。川芎五味子各二兩同炒。揀淨取蒼朮）黃柏二斤（以人乳汁童便。米泔各八兩浸。酥八兩炙。浸炙各十三次）製法共研細末。煉蜜爲丸。如梧桐子大。用法每服三五十丸。早午茶酒送下。晚時熱湯送下。

【健步虎潛丸】卽虎潛丸。

【健固湯】傳青主女科方。功用治經前洩水一二日而後行。藥品人參五錢。白朮一兩。(土炒)薏苡仁(炒)茯苓巴戟肉(鹽水浸)各三錢。用法清水煎服。十劑可愈。羅論此方健脾氣以固脾血。則血攝於氣之中。脾氣日強。溼自能化。溼既化盡。經自然調。又何有經前洩水之患哉。

【健骨散】沈氏尊生書方。功用治項軟。藥品白殭蠶不拘多少。用法研爲末。每服五分或一錢。酒泡薄荷調下。一日三次。

【健脾丸】證治準繩方。功用治脾胃不和。飲食勞倦。藥品白朮二兩五錢。(炒)木香(另研)黃連(酒炒)甘草各七錢五分。白茯苓(去皮)二兩。人參一兩五錢。神麴(炒)陳皮砂仁麥芽(炒取麴)山查肉山藥肉豆蔻(麴裏煨熟。紙包。槌去油)各一兩。製法共研細末。蒸餅爲丸。如綠豆大。用法每服五十九。陳米湯送下。空腹下午各一次。即人參健脾丸。

【健脾化食散氣湯】傳青主生化編方。功用治產後傷風傷食。無塊痛者。藥品白朮當歸人參各二錢。川芎

一錢。黑薑四分。陳皮三錢。用法清水煎服。麴食加神麴麥芽肉積加山查砂仁。寒冷之積。加吳茱萸肉桂。虛甚加人參白朮。消補兼施。無不安者。

【健脾利水生化湯】傳青主生化編方。功用治產後血塊已除而泄瀉者。藥品茯苓一錢五分。當歸身二錢。黑薑四分。陳皮甘草(炙)各五分。人參三錢。肉果一個。(煨)川芎白朮(土炒)各一錢。澤瀉八分。用法清水煎服。寒瀉加乾薑八分。寒痛加砂仁炮薑各八分。熱瀉加黃連(炒)八分。瀉水腹痛。米飲不化。加砂仁八分。麥芽山查各一錢。瀉有酸噯臭氣。加神麴砂仁各八分。水瀉加蒼朮一錢。諸瀉俱加升麻(酒炒)五分。蓮子十粒。

【健脾散】證治準繩方。功用養小兒胃氣。藥品白茯苓(去皮)人參各一兩。厚朴三兩。薑汁炙一作二兩。蒼朮(米泔浸一宿)四兩。陳橘皮(去白)五兩。甘草(半生半炙)草果(去皮)各二兩。用法研爲末。每服一錢。加生薑大棗。清水煎服。量兒大小加減。

【健脾湯】傳青主生化編方。功用治產後脅下積塊。服

消導藥成脹者。藥品人參、白朮、當歸各三錢。茯苓、白芍藥、麴、吳茱萸各一錢。大腹皮、陳皮各四分。砂仁、麥芽各五分。用法清水煎服。

【健脾飲】證治準繩方。功用健脾養胃。治嘔吐瀉痢及病後氣色虛弱。有痰惡心。腹中微痛。食少神倦。藥品厚朴（去粗皮。剉碎。薑汁浸一宿。慢火炒乾。再入醇醋淬透。仍以慢火炒）人參（去蘆）各一兩。白茯苓（去皮）肉豆蔻、半夏（湯煮透。濾。仍剉。焙乾）益智仁、淨香附、高良薑（剉片。東壁土炒）訶子肉各二錢五分。甘草（炙）五錢。用法剉碎。每服二錢。清水一盞。加生薑一片。大棗一枚。煎至七分。不拘時服。

【健脾滲溼飲】證治準繩方。功用治瘡瘍初起。焮腫作痛。及溼毒下注。或環跳穴痛。藥品人參、白朮、蒼朮、防己（酒拌）黃蘗（炒）川芎、陳皮、當歸、茯苓各五分。木瓜（不犯鐵器）柴胡梢、甘草各三分。用法加生薑、清水煎服。如三五劑不退。加桂少許。酒煎亦可。小便澀加牛膝。身痛加羌活。

【健陽丹】沈氏尊生書方。功用治陰寒。藥品胡椒十五

枚。母丁香十粒。黃丹一錢。生礬三分。用法研為細末。醋調塗臍。被蓋出汗。自效。

【健運脾湯】即健脾湯。

【側子】與附子根相連而生。小而有尖角者。性質辛大熱大毒。功用治寒熱風痹。溼痹。風疹（冷酒調服）冷風。歷節。腰腳冷痛。筋骨攣急。腳氣。癱腫。鼠瘻。墮胎。羅論此物性輕揚。善能發散四肢。充達皮毛。為治風良藥。製法及反惡畏忌。均與附子同。

【側金盞花】黃蜀葵花之別名。

【側柏】香木類。本經上品。形態常綠灌木。幹直立。高六七尺至丈餘。皮薄肌膩。葉

扁而側生。春日開花。單性。秋結實。為毬果。稍似菱形。鱗片之端。尖而拳曲。霜後四裂。中有數子。大如麥粒。芬香可愛。葉「子殼」「子仁」「脂」「油」「瘻」「枝節」「根白皮」皆可療疾。各詳本條。



側柏

【側柏子仁】性質甘平無毒（或作辛）功用益智寧神。